



Confederación Intersindical Galega
ENSINO

Secretaría Nacional

Rúa Miguel Ferro Caaveiro, nº 10, 1º
15703-SANTIAGO

Tlfno.: 981-576800 Fax: 981-575839
Correo electrónico: galiza@cig-ensino.com



Santiago, 28 de marzo de 2007

Sra. Conselleira de Educación:

A CIG-Ensino vén de constatar que moitos centros educativos quedaron fóra da convocatoria de axudas para os Equipos de Normalización e Dinamización Lingüística por mor da aplicación dunha norma moi estrita que non se corresponde cos criterios seguidos en cursos anteriores pola pola Secretaría Xeral de Política Lingüística.

Até a convocatoria deste ano, a Secretaría Xeral mantiña unha certa flexibilidade na recepción da documentación e aceptaba o rexistro de saída dos centros educativos como rexistro válido para establecer a data en que fora entregada a comunicación.

Porén, neste curso, moitos centros non puideron presentar a tempo a documentación porque, malia atinxir á administración educativa, as bases da convocatoria soamente se publican entre as convocatorias de Presidencia, o que dificulta a recepción da información. Ademais, modificouse o requisito de rexistro sen comunicárllelo aos centros, incrementando a burocracia e a duración dos trámites ao non se dar por válido o rexistro de saída dos centros.

Non é lóxico que se muden os criterios para recepción da documentación en relación a anos anteriores sen informar debidamente aos centros e que isto se traduza en deixar sen dotación económica proxectos importantes para a normalización lingüística dos centros, recoñecidos pola propia Secretaría Xeral cando lles solicita a algún deses centros o seu proxecto para ser publicado. Medidas como esta só serven para dificultar o traballo dos Equipos, xa que non poderán levar adiante os seus proxectos, incidindo negativamente no proceso de normalización. Unha dificultade máis para o traballo que deben desenvolver os ENDL que non contan co debido apoio por parte da Consellaría de Educación para colaborar no desenvolvemento do Decreto 124/2007.

Resulta, tamén, preocupante que, despois de que a CIG-Ensino expuxese esta problemática na Mesa Sectorial Docente a principios deste mes, a Administración continúe despreocupada e non tome ningunha iniciativa para solventar este problema. Sen lugar a dúbidas, é unha mostra máis do desleixo da Normalización Lingüística no ensino, pois non só incumpre a aplicación do Decreto 124/2007 sobre a promoción e o uso do idioma nos centros escolares,

senón que agora non lle importa que preto de 100 centros queden sen axuda para realizar as súas funcións normalizadoras.

Desde a CIG-Ensino, entendemos que non se pode producir unha modificación tal sen informar debidamente os centros. Por este motivo, a CIG-Ensino reclámalle que arbitre os mecanismos e medidas necesarias para que estes centros poidan participar das axudas destinadas aos Equipos e para que poidan levar a cabo o seu traballo en prol da Normalización Lingüística.

Un saúdo cordial,



Anxo Louzao Rodríguez
Secretario Nacional da CIG-ENSINO

**SRA. CONSELLEIRA DE EDUCACIÓN. CONSELLARÍA DE EDUCACIÓN E
O.U. SANTIAGO DE COMPOSTELA**



XUNTA DE GALICIA
CONSELLERÍA DE EDUCACIÓN
E ORDENACIÓN UNIVERSITARIA
Dirección Xeral de Ordenación
e Innovación Educativa

Edificio Administrativo San Caetano
15781 Santiago de Compostela

MJPM/ch



En resposta ao seu escrito do pasado día 28 de marzo, e con rexistro de entrada do 31/03/2008, manifestámoslle que os centros educativos forman parte da Consellería de Educación e Ordenación Universitaria e, como deben saber, os rexistros dos centros non son válidos neste procedemento.

As axudas das que fala no seu escrito son competencia da Secretaría Xeral de Política Lingüística, centro directivo dependente da Presidencia da Xunta de Galicia, polo que as ditas axudas deben publicarse na dita Presidencia.

É deber da Administración, neste caso da Secretaría Xeral de Política Lingüística facer cumprir a normativa existente.

Santiago de Compostela, 9 de abril de 2008
A Directora Xeral de Ordenación e Innovación Educativa




María José Pérez Mariño

Secretario da CIG-Ensino. Santiago de Compostel